

Nu kummt dat Bruukdoom van all Kanten

IN D' LUUR

Karin Böhmer

redaktion@on-online.de



Wat 'n Dörnanner in disse Tied. Hest Sünnermarten noch nich in d'Kopp, daar stahn al Kinner in Gespenster-Kledaag för d' Döör, vertellen wat van sööt of suur Kraam, man willen partuu nix singen, blot wat hebben. En paar Daag later sünd se d'rweer. Denn word sungen van Martin Luther un dat gifft Slikeree. Een Dag later steiht mien Mann, de van Köln kummt, weer bi d' Döör un luurt up Kinner, de van de Hillige Sankt Martin singen, de sien Paltrock in twee Delen sneden un een d'rvan weggeven hett. Man daarvan singt hier nüms. Na disse Regionen-Spektakel kummt Wiehnachten. Dat Bruukdom is al so international-verbleekt, dat du veer Week mit „Last Christmas“ överall dörkummst.
